



覺非先生文集卷之四

撫州府知府門人三山林元美編集

詞

明月棹孤舟

題墨竹



自古道渭川嶰谷又那更瀟湘淇澳千畝陰中萬竿叢裏
移得一枝寒綠未許伶倫調雅曲且伴我南軒幽獨雨
潤煙稍風傳珮玉留與鳳棲鸞宿

永遇樂

感遇

四十年來流光虛擲只緣耽酒鏡裏朱顏巾中華髮太半
人非舊豈蕊花飛杜鵑春老正是傷情時候看取古今何

所有青塚謾勞回首 邯鄲夢覺黃梁熟後富貴那能許
久天地穹廬造化素籥彭祖巫咸不壽最堪樂處孔顏道
在萬古文章宇宙黃卷中自有真味君還知否

水調歌 感懷

杜宇聲聲勸春歸人不歸斷腸芳草詩成寫不盡相思魂
夢裏幾回見問世間何事苦死別與生離望鄉臺下路念
爾獨淒其 蘭蕙心雲錦思會無期雙雙燕子呢喃款款
傍人飛惟有斜窓明月笑我衾寒枕冷流影入重幃百年
成底事贏得淚雙垂

魚遊春水

閩清縣尹考滿

糶學齋

羅綺香風度簪珮瓊裾行夾路祖筵開曉倚馬不勝離思
玉滿梅溪雪未消錦遶花縣春如許銀甕青絲絲髮金鏤
為問郎官北去百里絃歌是誰主須知枳棘棲鸞牛刀
小試雙鳧飛鷗層霄遠無限相思在何處渭北江東暮雲
春樹

滿庭芳

管推府考滿

福郡臨衡雄藩密邇誰不道是繁難我侯推贊祇在笑談
間三載刑清訟簡囹圄靜俗阜民安咨詢處黃堂倚重風
月半清閑 瓜期催入覲聲斐八郡名達朝端帳螺江江
上江水漫漫載得畫船西去此一別萬疊雲山問行色更

何有琴與鶴俱還

金菊對芙蓉

姚方伯榮歸

世產碩才老當益壯天教福我蒼生况有唐華胄喬木家
聲光垂汗簡千年在頌者取源遠流清經綸事業重膺內
選位列曹卿 幾年出帥連城覩承流宣化政治和平忽
億紫桑賦畫錦歸榮想念故園松菊會結耆英紫薇花底
香風度祖筵夾道綵旌行愿承寵錫重來海徼深慰輿情

永遇樂

呂僉憲九年考滿

喬木名門文章世曹累葉卿相嶽聳泰山天垂北斗誰不
爭先仰入典文衡出僉憲天下士咸推獎更禱雨應如影

糶學齋

響虎狼逆迹封攘

浩然之氣至剛至大須信平生有養

九載光陰七閩事業草木也知稱賞豸冠驄馬驅馳周道
八千里平如掌看此行嘉猷獻納承恩天上

五言古詩

洪僉憲山水

昔聞李大白讀書匡廬岑林卧諧清適仙游躡高蹤有時
誦聲歇野服披蒙茸虹橋緩孤影巖雲遠相從白蛻落銀
漢瀉破青芙蓉幽情翫物化雅趣超鴻濛岡藪起麟鳳淵
潭躍蛟龍蒼生既有託謝屐莓苔封草堂咲終局別墅良
難逢戀戀一回首紫翠烟霞重

白菜

澹薄不易守。邈乃從其肥。達人尚清節。所志將有為。幽軒
面塲圃。種溉青離離。鋤金豈肯碩。抱甕息凡機。何由適素
願。雨暘恒及時。條風曉初度。零露夕還滋。奕葉翠綃剪。白
莖練帶垂。盤殮日供具。庶以無饑饉。咬根有真味。寧無繁
膾欺。

楊叅議愛日堂

孝子有深念。念念將奚為。奉親在高堂。愛此白日遲。親壽
慶遐亨。喜懼恒自知。去日既云遠。來日猶可追。寸陰當我
惜。頃刻重我思。晨昏感二候。滄灑勤二時。孟羹調玉版。姜

糕學齋

膾紛銀絲。黃金恍畫綉。華髮耀瓊卮。忠孝萃兩美。紹述諧
四知。觀風俟賢史。歌頌良為期。

挽湯廣文父

淒風古水寒。海色日光薄。中天殞少微。倏忽驚摧落。臨文
悼若翁。允哉古先覺。志尹獨盤桓。希顏耳自樂。照乘懷魏
珠。連城隱荆璞。至寶既弗售。何以事瑤琢。流輝媚川淵。種
德高嵩嶽。趨庭有賢嗣。大振芹宮鐸。於焉敬亭嶧。肆情在
丘壑。興盡賦歸歟。故園景猶昨。拂衣竟長往。遠弔遼城鶴。
山頽梁木壞。斯道安所託。穹碑太史銘。哀章俱館閣。俛首
企高踪。蘿月生虛幙。石室夜迢迢。佳城雪漠漠。楚些空悲

涼九原人不作

五言律

趙氏積善堂

善門天廣大德澤沛安流動履膺多慶畊田自有秋納川
終到海積篲已成丘景仰令人羨誰知方寸留

題蘭二首

竒茁秘空林何人為賞音謾紉湘水佩好寄香壇琴軟翠
新搖玉幽黃淺露金為言層石畔榛棘莫相侵
林館別來踈懷歸積歲餘始知君子操應與善人居色染
秋清後香饒雨霽初芳叢宜綺石佳致復何如

黠學齋

次林尚嘿先生送別江西韻二首

合沙橋畔曉分袂惜餘秋征騎頻催發臨歧莫暫留楚雲
將別恨關月愜清游自笑身何似滄江一葉舟秋

魏珠明燭乘誰不愛竒珠先達推多士如君有幾人香名
臺閣重文彩錦機新手撥天關啓酣歌白下春

寄諸弟

膝下長年別高堂兩鬢絲不隨鴻鴈隊空讀鶴鷄詩鳳陌
春歸後螺江日暮時柔腸千萬轉斷盡有誰知

草心堂

寸草心如縷親恩重若山自憐遺手澤獨爾奉慈顏髮剪

游絲綠衣翻舞袖班春暉誰不念撫卷重潛潛

送閩劉貳尹督工之京

大匠懷良矩賢侯事遠行虞廷新製作周室舊經營耀日
雙旌遠臨風五雨輕攀轅不可駐尊酒共為情

周布政江湖雅趣

紫薇花下客雅趣軼纖塵廊廟膺高選江湖羨隱倫烟霞
蓬島曙桃水武陵春有路通銀漢何須一問津

忠義堂

元勳登虎將盛節感鴻恩許國惟忠義名堂示子孫緯鈴
三畧舊葵藿寸心存倚劍清風發長言永弗諼

懋學齋

李判府五馬圖

黃堂時並駕紫陌事驅馳道從歸來晚僕官控抹時騰身
思渥水弄影憶瑤池西上還家日應辭白玉羈

送林主事還京

卿曹郎職選青署列仙班暫捧全閩檄應從上國還離心
三島月歸萬重山去去須回首榕城香藹間

五言排律

送林尚嘿之沙場

整旆龍臺曉分携岳水濱扁舟應棄越百里又之秦畫鷁
愁中遠垂楊別後新社門閑夕照孤榻藹香塵鴻鵠寧無

侶窮居固絕隣多君終我願羨子有誰倫
青草同心逸梅
花入夢頻七峯天外壁雙劍水南津
望極徒增悵愁多不
為貧橫經苦長夜坐井度芳辰
餘澤留蓬葦移光耀縉紳
爛雲開富域積雨藹東閩
物候隨飛鳥歸期老此身
蘇門
記橙橘張翰誤鱸蓴迎旭樓前月
金鰲頂上春范張鷄黍
在往事擬堪陳

題雲江書室卷

浩氣凌霄漢澄坡接渺溟
鑽雲開竹迳傍水啓松扃
寶蜃騰飛闕驚湍若建瓴
浴暉搖粉砌倒影見踈櫺
片靄垂虛白遙峯逗遠青
聞歌皆慘慢學日橫經
案冷中霄雪囊閑

懶學齋

向晚瑩芳塵徐孺榻右座益謙銘
自愧生涯計應同水上
萍何當分雅趣漁榜靜中聽

送陳太守起復之京

碩志 身運高才屬盛年
慶雲翔紫漢瑞日麗中天
出守膺三命陞階更九遷
雙旌春靄靄五馬曉翩翩
政治移潮俗居民頌穎川
黃堂看化雨瘴海絕蠻烟
陟屺情何極瞻雲思愴然
還家三載後戀闕寸心懸
獨騎青山外孤舟綠水前
城秋寒色早宮曙漏聲傳
增秩腰金重承恩誥錦鮮
會看循吏傳翰墨耀青編

題林自怡墨梅

闕下簪紳裔幽居寂不譁穿雲開竹逕透屋種梅花東閣
吟仙宅西湖隱士家傾心同潦倒古貌復槎牙春信傳芳
萼寒光積素華露含珠蓓蕾雪綻玉交加斗帳空香遠書
幃片影斜終當調鼎爵未許託蒹葭卧對宮簷下行尋灑
水涯粧成誰復見詩在世仍誇驛路愁難寄羅浮夢轉賒
天風吹酒醒涼月上窓紗

題脩書嚴進士全閩八詠八首

三山競秀

八郡皆鍾秀三山獨擅名俗沾常衮化地壯越王城突兀
龍腰曲逶迤鳳穴平薇垣千樹遠榕市百花明左向鰲峯

糶學齋

望斜通荒界行九仙遺舊跡千古寄佳聲烏石鄰霄近青
雲接地生盤迴成委曲鼎立闢崢嶸此地饒清况當年毓
俊英明公多勝覽書此報瑤京

雙劍交津

使車臨百粵連騎下長汀路遠清溪曲山藏古洞靈西風
生澗壑秋思滿林垆在客心猶壯仙遊夢乍醒忽看楓外
響還向樹間聽慘慄聲初遍淒涼鬢已星將雲歸遠岫雜
雨度踈櫺作賦憐歐叔長歌憶漢廷鴈飛驚斷續鱸美嘆
飄零命駕層霄去何年此復經

洛橋晚釣

南紀風煙舊桐城入望遙一灣江水上幾曲洛陽橋有客
依苔石垂綸待晚潮一絲風裊、雙鬢雪蕭、落景供吟
眺閑鷗伴寂寥往來慚俗侶問答有仙樵水冷魚應少天
寒酒易消渭濱懷雅望嚴瀨想高標太史頻占象徵書屢
見招投竿在何日拂袖上青霄

漳水晴帆

地盡全閩界山連百粵天望窮千里遠遙見一帆懸浩蕩
層霄外微茫絕塞邊初看離島嶼漸覺度漳川高掛千峯
日斜分兩岸烟影隨芳樹沒飛與白鷗聯觸浪牙檣動翻
風錦纜牽客歸滄海上人倚畫樓前飄泊知誰似睽違祇

樓學齋

自怜僂嵯在何處惆悵欲言旋

七言律

送進士汪克紹

仙舟桂席懶聞歌樹渭江雲柰別何白社每同為客飲青
山今又送君過鷄聲候館人行早月影蓬窓夜色多洛下
才華應又待春風紫陌共鳴珂

送曾狀元草書寄劉二令

玉堂學士吐珠璣醉後風雷助發揮天上得來歲已久人
間此識應稀彩毫駕霧龍蛇走紫墨將雲鵠鴈飛今去
侯門春似海五花文錦借光輝

寄弟宗本

連枝同氣不同芳，老大應憐各一方。
靜夜碧窓惟有月，流年青鏡總成霜。
陟岡見鴈和雲遠，藉酒消愁苦漏長。
遙想蘭臺春草夢，覺來還似舊池塘。

題宿鴈

西風吹影下滄洲，倦倚蘆花起暮愁。
極浦煙深迷旅宿，寒沙夜靜怯漁謳。
魂歸紫塞三更月，夢斷衡陽萬里秋。
却被隔江人喚醒，一聲長笛倚危樓。

楊叅政寄病中作

衰病那堪日轉加，養生未暇讀南華。
微軀有恨長為客，清

夢無時不到家，牛鬪似聞牀下蟻。
孤懸難辨酒中蛇，乞身只合歸田去。
拄杖循篱看菊花。

奉賡前韻

德業如公孰與加，莫將心事嘆年華。
一生自古誰非客，四海于今總是家。
聲譽流芳敷草木，文章飛翰動龍蛇。
行當霄漢榮歸日，好寄江梅第一花。

李豸史慈侍堂

北堂華扁侍慈幃，高節全名願不違。
珍重一身垂懿範，慙慙寸草報春暉。
萱花色瑩三珠樹，繡斧光臨五綵衣。
遙想陌臺清暇日，丹心應逐片雲飛。

重過清冷臺訪玄峯上人次秦師舜韻

上方石逕隱巖扉東閣林文欲暮時散步謾隨黃葉度頻
來應愧白雲知空中花落看還寂竹外茶香坐莫辭吟對
清冷臺下夕西風扶醉獨歸遲

送脩籙道士歸山

問師何日下山來咲指浮塵暫往迴丹伏火砂閑藥竈籍
成僊錄上雲臺水簾暮捲黃茅雨鹿洞春香白石苔明到
蓬壺天咫尺一聲長嘯碧桃開

挽孫御史父

蝶夢翩跹遠漆園那堪永夜聽哀猿賦歸已羨陶彭澤吊

糶學齋

死誰憐楚屈原新壠松楸開晝夜臺燈火照黃昏繡衣豸
史焚黃日草木應沾雨露恩

和郭敬夫病中見寄

故人戀戀在緋袍愛我吟邊逸興豪澄練才慚謝眺攀
鱗無計學枚臯望中文誼嗟予薄病裏逢迎念爾勞却笑
茂陵高卧久曾懷猶解吐鯨鰲

題竹石

蔣邇秋高露未乾太湖石畔曉光寒恍疑嶰谷風前聽還
憶瀟湘雨後看江海倦遊嗟落穉溪山清隱謾垂竿月明
人去珂聲遠翠羽蕭蕭舞鳳鸞

徐易史東軒八詠

五絃琴

衣綉才華屬妙年
軒居雅趣獨悠然
喜逢泰運當堯日
新製絲桐作舜絃
紋斷影涵千古意
軫垂光聚五星懸
烏臺霜冷人如玉
一曲陽春月滿天

雙劍匣

雙龍久向匣中藏
一旦逢時自發揚
神物欲歸滄海去
玉函深掩白波光
斗牛夜宿三更月
鎖鑰秋開數尺霜
大手一揮塵不染
人間從此見鋒鋟

讀書檠

懋學齋

蘭膏燭暖夜迢迢
芸草香中伴寂寥
和月靜欺吟影瘦
逗窓光送誦聲遙
蠅頭字小看頻剔
釵股花成喜謾挑
照我青雲勲業就
高張絳蠟待良宵

焚香鼎

寶鼎焚香碧牖東
軒轅舊鑄更誰同
螭頭獸口形偏古
象龍紋製自工
一縷瑞烟春藹藹
半簾佳氣日融融
御爐曾憶承恩處
朝罷携歸滿袖中

蘭楮箱

截斷琅玕渭水傍
織成貯玉翠筠箱
春蚕楮薄和雲掩
彩鳳花深帶雪藏
栢府揮毫時啓鑰
蘭亭遺翰久潛光
憶曾

鼓篋芹宮日開闔偏承雨露香

丹青譜

客至東軒乍罷經興來猶喜翫丹青只消半榻開細帙何
用千間列畫屏楚水吳山秋歷歷江雲渭樹晚冥冥古今
人物皆陳迹獨有凌煙事可聽

石棊枰

碌破瓊瑤碧蘚滋縱橫有路本無岐朝回北闕人閑處書
歇東軒客到時幾度藤花和子落一庭竹影傍雲移興來
贏得山陰墅國手于今已見推

鐵硯沼

懋學齋

維翰功成幾歲華硯池傳得在名家一泓水白雲生案方
寸源深墨有花芸藻吹香浮鴈鷺文章飛翰動龍蛇栢臺
水泮春泉湧散作甘霖遍海涯

漁樵問答

弛薪解餌蹉跎共訝林泉逸趣多釣澤遺今尚在爛柯
消息竟如何空烟邃谷聞清唱落日澄潭發浩歌白首功
名誰可問會稽山色渭江波

題蓮塘雙鷺圖

倦倚春雲錦繡明應憐鳧渚曉光清縞衣雪映荷花淨絲
頂風微柳絮輕雲水乍看疑鶴伴江湖久別負鷗盟會當

飛上層霄去好共鸚鵡逐隊行

七言排律

寄林尚嘿

僂颯曉掛越江波別思臨流可柰何岐路每懷揚子泣河
梁愁絕李陵歌翩翩去旆連蒼靄寂寂衡門掩碧蘿故國
片雲看漸遠亂嶺孤枕聽偏多烟空劔水鳴榔入月滿琅
溪倚醉過獨樹雨中分翠幄七峯鳥際藹青螺論交未必
無張邵抱璞應憐有卞和念子忽成經歲別嗟予已覺半
生訛壯懷倚劍臨孤館歸夢驚秋感露柯征鴈影沉悲楚
客玉簫聲杳憶秦娥集賢又擬開東閣閭闔應知候曉珂

樵學齋

霄漢期君稱獨步青檀寧復久蹉跎

萱堂永思為劉二令作

名堂愛草奉慈親親去堂空草自新一本已教分數葉孤
芳應擬屬千齡喜當仙桂凌雲日忽值猗蘭泣露晨返哺
無由遺永恨劬勞重感痛生身十年熊膽那能和一瀉杯
圈詎有因從此憂忘非令子于今歡合屬他人脩莖向日
明華髮奕葉含烟斂翠顰蘩藻薦時寧獨苦蓼莪歌處孰
堪陳斷機絲冷千年夜戲絲衣閑幾度春耿耿室燈寒照
雨寥寥梁月暗窺塵片雲影落姑蘇外寸草心馳越水濱
花縣有聲公暇少松堂無語夢來頻長沙屈賈人皆識晉

室稱陶世莫倫自是顯揚終大孝好將經濟輔

皇仁

送富戶之京

杜鵑啼遍柳花飄玉勒雕鞍白馬驕嗟我倦為湖海客送
君又挽木蘭橈金囊香煖心尤壯袒帳春寒酒易消百丈
錦帆光借日三千氣迥凌霄空烟獨樹朝連旆積雨滄
江暮聽潮唐苑二珠憐異土秦臺雙鳳憶吹簫居庸北向
天逾香粵水南分路更遙別後相思何所見片雲涼月夜
迢迢

寄兄子雲

幾度空齋覺曙遲酷吟多為寄君詩慣愁塵世風波惡每
念姻婭骨內虧萍梗一身同漂泊雲天萬里足睽違暫歸
鏡裏顏猶渥不覺巾中髮已絲老大方驚離後失歡忻只
恐夢中疑陶潛未許辭彭澤楊子常懷泣路岐鄉國竟無
休暇日溪汀又是去來時寒凋徑菊垂前會臘盡江梅促
後期閩海暮雲含遠樹巴山夜雨漲秋池緘情目極瀟湘
渚掩恨歌殘楚竹枝屏暗孤燈憐獨坐窓開片月笑相思
謝家夢斷橫塘草蜀文文成錦字詞南到謾如張邵約西
歸仍勣李陵悲百年最苦長為別倚對青山也淚垂

覺非先生文集卷之四

覺非先生文集卷之五

撫州府知府門人三山林元美編集

七言歌行

題雲龍風虎歌

林木起蕭索崩崖隨魏石颯颯天風刮地寒荒莽叢深來
向額戶深摩蒼空溟渤渺無窮瀾漫浩氣九霄上散作五
采遊神龍龍翔虎嘯風雲集文運天開當北日陽居九五
位正中百靈奔走咸供職萬彙各有尚聖作群物從否泰
時所遇亨嘉會難逢我曹幸述

文明世駢育禎祥昭聖治騶虞白象與神龜梯航九譯麒

麟至廟朝穆穆聞都俞衣冠禮樂同車書淳風化日謠康
衢忻令萬姓歌唐虞忻令萬姓歌唐虞

寄編修林尚嘿

昔曾夢入蓬萊景百合流雲翳天影瑤草春香翠霧涼石
室苔紋紫花冷羽衣仙子華陽君手持玉麈揚清芬飲我
丹霞嗽瓊液授我赤篆書符文湏臾拂袖凌空去別鶴離
鸞向烟霧西風吹珮玉琳琅舉首遙聞共天語天門樓闕
參差開九龍鬱結黃金臺神霄雨露一揮翰三十六地皆
風雷覺來捲幔南山曉壯心一點秋水皎日蕩三神海上
山迴看日下羣峯小

懋學齋

栢臺霜曉

天風吹寒烏府深乳鴉啼曙臺栢陰老枝巨榦響靈籟翠
虬乍舞蒼龍吟龍吟虬舞雲雷起玉節金貂天上至白簡
霜飛振八閩冰壺水索燈十里臺高浩氣凌青霄山嶽迴
朔風吹沙集美人草擅帳高漢軍四面皆楚歌拔山力盡離不逝虞
兮顧此將如何君思自此良難保血濺秋霜眉黛鎖香魂
不向陰陵歸滯魄寧依原上草妾身托根生路傍妾心有
恨天地長妾容耳與同朽腐妾名終與同芬芳輕寒未歇
方春雨暗綠離披啼不語高秋欲度風怒號却憶當年宵
起舞行人過盡已斜暉馬蹄猶似將軍歸深歲泣露暮虫

可向晉安風雅

此下落
四十六字

響羞覩雙、黃蝶飛

慕脩嚴進士種德堂

種瓜黃臺下瓜熟子離離種荳南十下草盡荳苗肥種瓜
種荳隨所適有種由來期有得學農學圃我不如願學名
門多種德聞君幽扁在高堂揭華振實揚芬芳簪紳舊業
流光遠翰墨新題錦綉香子孫景仰踵遺澤廣藝心田如
力穡丹府靈臺方寸間萬頃難將較寬窄義鋤禮畚勤芟
耘去秀妨苗貴自分勿令旦晝起助長常使春和一氣存
君不見種苗致嘉穎能保三時足豐稔何如種德昭嘉應
奕葉千傳垂永永佇看從此播芳馨瓜瓞綿綿衍餘慶瓜

標學齋

瓞綿綿衍餘慶

題連邑趙氏琴鶴軒讀書處

連川積秀如堆藍幽人卜築江之南園池數畝襟花竹石
徑九折羅松杉橫琴每對前賢語魚躍鳶飛共容與吟影
秋隨澗底雲書聲晚落林間雨仙郎白雪和陽春孤琴隻
鶴行相親謝安屐齒苔花滑杜陵詩句還清新寒夜多君
能愛客對酒長歌天地窄窓外梅花咲我狂玉壺擊碎東
白方

題趙景文山水四首

朔風捲文天地黑傾河倒海洪濤白帝令大索馮夷宮銀

屋瑤臺幾千尺老龍失珠龍女傷腸鳥不敢窺扶桑巫屏
歛翠鏡中沒鄧林極浦埋青蒼葛陂竹杖已飛去太乙蓮
舟在何處黃鬚健叟如生孫飛竿力挽三尺舫浪婆拍浪
瘦蛟泣灘頭人欲化為石層波隔面語不聞沙填赤淚徒
紛紛斷鵬垂翅滄溟杳魯連欲去張騫笑大地狂瀾眼底
花魚蝦驚夢何曾曉

其二

少年不慣睽離思學向林泉結清趣一朝假榻螺江春幾
度愁來愁欲死下帷應傍上人居天花白晝生空虛石梁
遙度進酒嶺浮屠俯瞰洪塘衢東人恣我多岑寂持椀夜

泛前溪碧醉倚澄潭月色涼謝端螺女空陳跡朝來更上
妙峯山岩堯絕嶺勞躋攀歸情默、戀飛鳥天人色相心
猶閑旅懷况值春多雨登臨盡日遙凝竚野雄聲喧近水
家錦鳩啼歇長洲樹東書蚤賦歸去來青氈舊通無諸臺
幾年夢不度西浦石門蘿逕饒蒼苔披圖却憶曾游所風
景不殊心獨苦踏沙歸客晚牽舟斜烟落日無人渡

其三

君家幽構連雲起迥入濛濛芳樹裏雙溪長遠日邊樓雙
峯只隔門前水溪水潺湲入夜流前門外足凝眸秀饒蓬
島三神曙清徹壺天一色秋有山種藥知何處採斲歸來

雲滿屨洞簫聲歇醉流霞又泛扁舟鏡中去鏡中倚櫂極
清冷恍訝瀟湘與洞庭暝舷扣月踏歸路竿頭篋笠空烟
青知君此樂世稀有一榻高懸日應久明當為我寄新題
付與郡齋窓裏岫

其四

扶桑際曉分晴旭薰風吹水汀蒲綠懷人獨上粵南樓空
烟遠帶螺江曲方舟掛席從西來牙檣直指無諸臺推蓬
一見即知己壯懷萬斛為君開傾情為寫別來意不笑殊
鄉音語異濃醯色奪紫瓊漿白飯香浮金黍米臺江詞客
多斐聲一時佳會皆群英鈞分險韻帙仍滿酒酣索笑河

糶學齋

欲傾層臺落日迷江渚臺下蘭舟臺畔樹願將臺樹萬年
木繫爾蘭舟莫歸去

五言絕句

杜甫遊春

驢背看春日花前得句時祇今千載後誰復敢言詩

鳴鴈

曲遶行雲斷絃驚片月涼一聲關塞黑何處是瀟湘

題王大尹山水

出洞雲猶沿溪路轉賒遙連潘令邑流水帶桃花

題鵲鵠

汀沙迷跡小潭水鑑毛清行掉飛鳴意何由喻弟兄
道院迎仙客

塵空雲滿院竈冷求成銀白日逢迎客丹霞洞裏人
書堂隱相儒

徑雲生逸趣窓雨雜吟聲早晚天書至伊周事業成
庭栽棲鳳竹

小庭無半畝修竹謾成林澹月涼雲夜相期聽鳳吟
池養化龍魚

鱗成三十六鰕蟬莫驚猜豈是池中物風雲日下來
青山白雲圖

樵學齋

太行朝倚馬赤壁晚移舟眼界乾坤大天風豁壯遊
送謝舍人還鄉

離心隨朔鴈歸思逐西風千尺銀河水牽舟上九龍
其二

雲山霸旅恨桃李故園春擾、馳名者還家有幾人
寄甥聰

白水本無心青山憐獨返默默萬里天情與天俱遠
題正背騎牛圖

正坐任吹笛倒騎防險石牛飽早歸來前林多白額
六言

送謝指揮弟還鄉

將軍名書丹券故侯家傍青門從此拂衣歸去鄉園松菊
猶存

其二

買斷溪山有主笑呼泉石為鄰相去桃源不遠四時景物
皆春

子猷愛竹

訪戴歸來餘興此君猶共清標吟過一庭風月踏殘滿地
瓊瑤

濂溪愛蓮

濂學齋

妙贊先天有象靜探太極虛負鏡水光涵真色林塘生意
無邊

淵明愛菊

散玉光浮三迳禩金香滿孤樽東臯謾登舒嘯南山且共
忘言

和靖愛梅

孤鶴雲間已返蹇驢雪裏何人湖水湖山欲暮枝南枝北
皆春

七言絕

白蓮二首

玉井峯高曙色寒
仙娥環珮碧雲端
鏡天冷浸水壺皎
曾憶瑤池月下看
水晶宮殿月明多
羅韞凌皮向晚過
一陣香魂看不見
令人腸斷憶巫娥

題趙惟本壁老子青牛

青牛西度日將昏
關吏披雲久候門
神物已歸滄海去
空餘人世五千言

題趙惟本壁山水

五老峯頭晚獨經
片雲隨步下虛屏
白蜺搖落銀河影
瀉破芙蓉萬丈青

鄭大有山水扇

憶昔移舟建上溪
亂山晴鳥望中迷
一聲長嘯天風冷
百六灘頭月欲低

題松竹梅

秦嶺辭封不染塵
渭川高節更宜人
不徒共結冰霜操
也有羅浮萬斛春

寄林二孟明

沙合橋頭江水深
汪洋淪與我是知音
青羶未冷應多事
辜負青雲一片心

送楊大叅班竹畫了就上絕

湘妃淚染玉成紋直節虚心愛此君今去侯門深如海凌
空高駕萬竿雲

杜甫遊春

詩酒相隨老此身百年贏得幾回春曲江花落鶯聲寂千
古無人繼後塵

送方尚書弟歸錢塘

粵水城頭雙去旆錢塘江上一歸人舊遊池館經行處
月光風總是春

題雪梅月梅二首

五出花開六出飛空香積素共凝輝灞陵橋上人如玉兩

蝶學翾

袖春風策蹇歸

流蘇帳小玉屏空畫角聲沉月正中春滿羅浮清夢覺一
枝瘦影上房櫳

題景時山水

虛白堂空萬壑秋高人清隱愛林丘揮毫掃盡雲間石一
咲天風發壯遊

漫士山水

孤權澄潭野樹昏武陵深處是桃源玉堂僊客多清暇醉
染春雲憶故園

畫竹

翠羽脩、夜色浮曾隨彩鳳舞秦樓別來每憶王猷伴幾
度瀟湘江上秋

楊大叅珊瑚圖

珊瑚鈎下翠簾垂何事雙禽欲語遲謾奏簫韶應有待紫
薇花底自公時

楊大叅山鷓圖

文采翩、異衆禽仙橋靈鵲是知音雲枝露葉棲身德謾
逐慈烏借上林

送梅湯與秦大偶成以寄

曾向先春雪後攀傍人爭咲我寒酸今朝喜遇調羹手羸

蝶學齋

得尊前一笑看

醉榻春風

玉壺酒盡思陶然一榻春風護醉眠身在羲皇千古上醒
來幽趣與誰傳

白魚翻藻

日暖銀塘麗藻香群鱗遊泳自洋洋乘風試作龍門躍玉
尺橫拋翠帶長

東坡赤壁圖

當年作賦憶周郎今日題詩見雪堂懷古不須重感慨生
前事業死文章

程門立雪

伊洛淵源杳莫窮
六花飛舞夜濛濛
任他門外深三尺
身在春風和氣中

虎溪三笑

東林散社倒清尊
相送溪頭日已昏
白額無聲知有道
笑中分袂已忘言

商山四皓

皓首相期入翠薇
紫芝白石共忘機
安劉知是張良策
却望烟蘿笑拂衣

隆中三顧

南陽龍卧已多時
三顧風雲際會期
羽扇一揮朝倚馬
何人橫槊更談詩

竹溪六逸

相從溪上作清遊
萬頃琅玕六月秋
名教浪傳千載後
衣冠贏得晉風流

覺非先生文集卷之五終

嘉慶二年中秋前五日
涇陽訪錄

覺非先生文集後序

江右撫州郡守三山林侯元美捐俸力刊鄉之受業師覺非羅先生文集若干卷板完余得諦觀其文春容而雅暢質不失之俚文不失之浮固宜與詩歌並行無愧嗟夫自昔鉅儒若唐之韓柳宋之歐蘇王陳元之虞揭於文與詩並精焉蓋其學優才瞻名高一世者今先生希古之儒而有合也先生系出世家華胄少以穎異之資銳志古聖賢之道於群經罔不精究而尤邃於易春秋其子史百家亦探索無隱故其文則典古溫潤詩則清麗工緻矧生文獻之邦值我先生之興擢科顯用而門生之登上第為名臣

者彌衆惟先生以節自高遯世獨行逍遙山水之間簞瓢
獨樂壽考令終蓋盛德君子也今其高第弟子撫州太守
林侯元美不忘樂育之自以先生遺藁一帙刻梓以傳諸
世不鄙示予俾序其端予敬閱之其叙事析理根據經史
渾然天成不為艱深奇崛之語而妙旨至味溢於意表其
古近詩磊落清壯無纖縵媚麗之態而寄興玄遠尤柰諷
詠信有德者之有言哉昔河汾王仲淹才高一世不沾一
命而卒厥後杜房魏薛之徒雖能尊行其道以翊隆平然
未有收其遺文而白之者也今先生生逢
景運既箕裘有續規箴有傳又得賢太守壽其懿德名言

樵學齋

於無窮於乎盛哉蓋非惟足以廓閩中之舊緒亦吾江鄉
桑梓之重也遂敬書其端而不敢讓

天順二年春二月上吉前文林郎河南南陽府泌陽縣知
縣同鄉黎近序

故羅君宗讓墓誌銘

光祿大夫柱國少師工部尚書兼

謹身殿大學士 國史總裁同知

經筵事建安楊榮撰

奉政大夫修正庶尹禮部祠祭郎中永嘉黃養正書
并篆

閩有好古力學君子曰羅君諱泰字宗讓別號覺非
道人先世居江右撫之臨川其五世祖諱某仕元為
福清縣尉子孫因家焉故今為閩人君之孝友行於
家信誼重於人文章經術師表于鄉之後進居其門

獲指教者往往取科名登仕籍嗚呼為人若君亦可謂難矣曾祖諱某祖諱某考諱伯淳世有隱德母楊氏君生洪武癸丑八月十有一日蚤失恃從鄉先生宋瑜受春秋經得尊王抑伯褒善貶惡大旨時丁家多艱而母未葬布衣蔬食常如袒括之日語及則泫然下涕授徒所得悉以營塚壙既葬乃曰我情事少伸矣爰卒業于訓導林友從潛心易學卦爻十翼之旨研窮精索造詣閱奧嘗與故春坊諭德林尚默論易尚默稱之曰宗讓能先得予所未得一時同遊如進士鄭澄初主事鄭介叔知縣鄭彥韜文學鄭廷王

黼學齋

鄭希晦林範伯輦咸與切磋講明互相裨益學乃大進鄉之後學皆師尊之弟澤亦登甲辰進士授監察御史其諸交遊者往往出仕四方君獨隱居教授於鄉凡四十餘年生徒所造就者若林元美張偉皆以易登進士第其領鄉貢為教官者尤多有司奉

朝命有所纂修必禮致君以董其事賢士君子至者必就見焉宣德壬子應天尹聘司文衡君辭曰吾以一鄉之善淑一鄉人則可其敢以布衣去取甸內士哉遂不果行家居衣冠整肅操觚執翰之外澹無他營性好古道嘗嘆冠禮久廢銳志舉行從而化者甚多翰

林編修薩琦父歿族人欲以俗禮治其喪君力贊其
家一遵文公家禮以殯歛琦歸謝曰先君子之終免
蹈非禮惟先生是賴至於其師林友從鄉老林崇高
及里中有貧不克葬者悉倡率出財以助之凡事有
得為而不為與不得為而為之者皆委曲勸諭使無
後悔年甫四十配周氏沒義不再娶邑里高之正統
丁巳次子繹及壻張諤俱以訓導歲滿得歸省為上
壽歲于閩東康峯之寶林成既深衣藜杖徜徉其間
命酒賦詩次為十詠喜曰吾終歸於此則死之日猶
生之年也有寶林終隱集仍語繹諤曰汝二人身為

國有母以我故久留也繹諤既上

京師待選吏部而君以是歲四月十有二日卒于正寢享

年六十有七卜以 年 月 葬寶林子男三長

紋由太學生分教湖廣長沙府學娶林氏次繹由鄉
貢士中乙榜分教廣東肇慶府學娶段氏繼鄭氏又
次曰繒娶吳氏女一人壻即諤亦以明經任肇慶府
學訓導孫男五曰雅曰玄錫曰雅曰雅曰雅曰雅孫女
五繹將奔歸襄事以諤所述事行謁予泣拜請銘惟
士能力學好古雖弗躬有祿位而學淑諸人慶鐘于
後壽考令終是可銘也已銘曰

有韜于中維學之充既淑其徒抑華厥躬躬弗顯榮
而後乃昌二子具美分教大邦夫既有子又享其年
安居祿養歿何憾焉寶林之東有墳在茲垂千百年
維此銘辭



